

# Ze barri?

ESKORIATZA / Egubakoitza / 2005eko uztailaren 22a / 219. zenbakia

KOORDINATZAILEA: Jon Berezibar • Otolora 31 ARRASATE 20500 • Tel.: 943 71 25 11 • Faxe: 943 71 23 89 • Posta elektronikoa: zebarrigoiena.com • Lege gordailua: SS200/99

## Udal jabetzako lurretan etxe tasatuak egiteko adjudikazioa abiarazi dute

JON BEREZIBAR

Udalaren jabetzako orubeetan etxebizitza tasatuen eraikuntza eta kudeaketa egiteko lehiaketa deitu du Udalak berak. Interes berezia du Udalak etxebizitzaren arazoan, eta egungo beharrak jakiteko, aurki ezagutzera emango den inkesta egin du.

Joan den egubakoitzeko ezohiko osoko bilkuran atera zituen Udalak Santa Marinako lurretan dituen orubeak lehiaketa publikora. Horrekin, etxebizitza tasatuen eraikuntza sustatu eta auzo-ingurunearen urbanizazioa bulzatu gura du.

Aldaketa garrantzitsuak izango ditu Santa Marina auzoak datozen urteetan. Jakina da han 145 etxebizitza eraikiko dituztela eta horrek urbanizazio lan itzela dakarrela, baita erreka bestaldeko orubeetan ere. Izan ere, erreka guztia bistaratu egingo da eta Santa Marina plazan hiltegi zaharra eta etxebizitzak eraitsiko dituzte, han plazar bat egin gura dute-eta. Lan horietarako Zubizarreta eta Olabarri lantegiak botako dituzte. Lurrei dagoenik, orube zabalak dira eta aipatutako 145 etxebizitzak eraikiko direla dio Udalak. Tasatuak,



Santa Marinako eraikinak bota eta plazar berria egiteko asmoa du Udalak.

gutxienez, 28 izango dira, baina uneotan kopurua handitzeko negoziatioetan dabilta, eta horien prezioa 180.000 euro izango da. Udalaren orubeetan eraikiko dituzte etxeok, Arbiñoste ostean. Hirigintza planetan 1982an aurreikusten zen hori, baina 1999an kooperazio publiko-pribatu sistema ezarri zen eta

*Eraikitzaileak  
Udalak ezarritako  
baldintzak bete  
beharko ditu etxe  
tasatuetan*

ordutik hona datoz aldaketak. Hortaz, lehiaketa irabazten duen enpresak udal partzela horiek erosi eta ezarritako baldintzetan etxebizitzak eraikitzeaz gain, inguruen urbanizazioaren kudeaketa ere hartu beharko du bere gain, eta, hala baderitza, lanak azpikontratatu. Jarduera hori ohikoa da Eskoriatzakoaren

moduko udal txikietan, kudeaketa baliabideak ez direlako nahikoak izaten.

Etxebizitzak bi urte barru eman gura ditu Udalak, baina zozketa ziurrenik "datorren urtean-edo" egingo dutela dio Juan Carlos Bengoa alkateak. Hala eta guztiz ere, promotoreak hasi dira dagoeneko Udalarekin negoziatioetan. Aipatzekoa da Izartu programak lagunduta bideratuko direla etxebizitza tasatuei dagoen urbanizazio lanak.

### ETXEBIZITZA BEHARRA

Ekimen horren harian, Bizilan enpresak Eskoriatzako etxebizitza beharrei buruzko inkesta egin berri du. Udalak hirigintza plan berriak diseinatzeke herrian dauden beharrak ezagutu gura izan ditu, eta inkesta 150 eskoriatzarrri egin zaie.

Emaitzak hil amaieran jakinaraziko dituzte. Datu horiek edukitzeari garrantzia eman dio Udalak. Izan ere, aipatutako etxebizitza tasatuen salmentarekin eskuratutako diruarekin etxe gehiago eraiki gura litzukete. Beraz, berrinbertsio hori zelan bideratuko den inkestan bildutako informazioak zehaztuko luke, eta hortik aterako litzateke etxebizitza sozial, tasatu eta libre-en beharrezko kopurua herrian.

## Mendiola auzoen topaketa egin zuten zapatuan Abadiñon

J.B.

Mendiola auzoa ez omen da bakarra Euskal Herrian, ez behintzat izenez. Horregatik, joan den zapatuan, bost Mendiola auzoek topaketa egin zuten Abadiñon. Han izan ziren Eskoriatzako ordezkariak.

Abadiñoko Mendiola auzoko jai batzordeak gonbidatuta joan ziren gainontzeko mendiolatarrak topaketara. Eskoriatzakoekin batera,

Baztan aldeko, Gasteizko eta Orozkoko ordezkariak joan ziren bertara. Guztira bost Mendiola batu ziren Abadiñon euren izenkideak ezagutzeko prest.

Ezpatadantzariak egin zieten harrera, eta haren ostean, diapositiben bitartez nor bere auzoa aurkeztu zien *auzokideei*. Josu Agiriano izan zen hemengo ordezkaria, eta haren berbetan, "Abadiñokoa eta nafarra nahiko antzerakoak dira, mendi inguruetan daude". Guztietatik ezberdina

Gasteizko Mendiola omen da. "Topaketa polita izan zen", dio Josuk, "eta jendea ezagutzeko balio izan digu, antzerako auzoak, eta abar".

### HERRIKO ARTZAIN TXAKUR LEHIAKETA

Harreraren ostean bazkaria egin zuten, guztira 80 bat lagunek, Eskoriatzako hiru mendiolatarrak kontatuta. Haren ostean, herri mailako artzain txakur lehiaketa ikusteko aukera izan zuten Eskoriatzatik joandako ordezkariak.



Oroigarri bana oparitu zieten Abadiñokoek bertara hurbildutako ordezkariak.

## TELEFONOJAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Ezeiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaizta (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Delak	112

## OHARRAK

### IBARRAUNDI MUSEOKO DVD-A SALGAI DAGO

Dagoeneko salgai dago Ibarraundi museoari eta Eskoriatzari buruzko DVD-a. Prezioa 6 euro izango da. Halaber, museoak zabalik jarraituko du uztail amaierara arte.

### 1955EAN JAIOTAKOAK

Bizkaiko kostaldera txangoa egingo dute irailaren 24ean. Euskadiko Kutxan 50 euro sartu beharko dute interesa dutenek.

# Musika eskola eta haur eskola eraikitzeaz dira

J.B.

**Beharra ikusita, haurtzaindegi publikoa eraikitzen hasiko dira datozen asteetan. Oktogonoen eraikinean egingo dute, eta bertan egon den musika eskola museo eskola zaharreko sotora eramango dute. Musika eskola irailean zabaldu gura dute eta haurtzaindegia urtarrilerako amaitu.**

Lehenbailehen dira musika eskola berria egokitzeko lanetan hasitekoak. Gaur egun Luis Ezeiza eskolako oktogonoetan dago Eskoriatzako musika eskola, baina haur eskola publikoa zabaldu gura du Udalak hantxe. Horregatik, lehen museo eskola zegoen sotoan egongo da musika eskola irailetik aurrera.

Lan biak, haur eskola eta musika eskolakoak, ia batera hasiko dira, eta bigarrena irailean ikasturteari ekiteko gertu izango dute. Irail erdialderako nahi dituzte musika eskolako lanak amaitu, eta ohiko egunetan hasiko dituzte klaseak. Hori da, behintzat, Udalak hartutako konpromisoa. Guztiz egokituko dute lehengo museo eskolako sotoa, ezindu fisikoendako sarrera eta guzti. Igogailu bat

ipintzea ere badago asmoen barruan, baina bizilagunekin ez du akordiorik lortu Udalak. Dena dela, badaezpada ere, igogailurako lekua utziko dute.

Haur eskolako lanei dagokienez, laster hasiko dituzte eta abuztuan lanean jardungo dute. Amaitu, berriz, urtarril aldera amaitu gura dute. Aspaldidanik izan da herrian haurtzaindegi publikoa izateko eskaera eta oktogonoetan egitea ikusi du Udalak egokien. Aurrekontua 300.500 euro da.

Bestalde, bi berrikuntza horiek ez dira bakarrak izango. Izan ere, ludoteka, helduendako hezkuntza zentroa eta bake epaitegiko lanak amaitzen dabilta egun hauetan. Halako azpiegituretan aurten egin duten inbertsioa 600.000 euro pasatxo izan da. Osasun etxearen eraikinean egingo dituzte ludoteka eta helduendako hezkuntza etxea.

*Musika Eskola  
irailean  
ikasturteari ekiteko  
gertu egongo da  
Museo eskola ohian*



## Amaitu dira aurtengo udalekuak

Bukatu diren arren, gustura ibili dira aurten neska-mutikoak eta begiraleak. Guztira 180 haurrek eman du izena aurten. Hain justu ere, gaur amaitu dira udaleku irekiak eta sekula baino irteera eta ekintza gehiago egin dituzte. Mendia, natura, txangoak... Benetan pozik daude antolatzaileak geletatik kanpo makina bat ekintza egitea lortu dutelako. Besteak beste, Degurixa aldean gaua pasatzen egon dira. J.B.

# Kiroldegiko zoruko lanak amaitzeaz daude

J.B.

**Udan Intxaurtxuetako kiroldegia erabilera txikitu egiten dela aprobetxatuta, berritze lanak hasi zituzten joandako astelehenean. Kantxetako zoruak da konpontzen dabilta eta lanekin datozen asteetan dira amaitzekoak. Azken pausoa zoruaren bernizadura izango da.**

Areto futbol eta saskibalo kantxen zoruak dira konponduko dituztenak, oso higatuak zeuden-eta. Orain dela 10 urte eraiki zuten Intxaurtxueta kiroldegia eta orduetik hona kantxek ez dute konpon-

ketarik izan. Urtetako erabilerak eta zaintze urriak benetan kalte dute behagaina. Guztira zoru osoaren % 20 estaliko dute egur berriarekin, eta behin lurra lixatzen amaituta, bernizadurarekin bukatuko dute.

Eraiki zenetik egiten diren lehen berritze lanak izango dira, eta 36.000 euroko aurrekontua izango dute konponketetarako. Aurreko asteko astelehenean ekin zieten lanei, eta amaitu, berriz, datorren asterako amaituko dute, guztia behar moduan badao.

Azkenean, marrak margotuko dituzte futbol eta eskubalo kantxetan, saskibaloiko hirurak eta badmintonekoak banatzeko.



Datozen egunetan amaituko dituzte kiroldegiko lanak.

DEIANE ARRIETA

LENIZ, C.B. KONPONKETAK

**LENIZ**  
ESKORIATZA

TXAPA, MARGOA eta MEKANIKA

**SUZUKI**

Aingeru ibiltokia z/g. • Tel.: 943 71 50 61 • Eskoriatza

**ENRIKE  
MAZMELA  
BOLINAGA**  
HORTZ  
KLINIKA

Eduardo Gorosari 3-1. esk.  
Tel: 943 71 47 36  
Eskoriatza

**TOKI  
ALAI  
TABERNA**

Karajiloetan  
espezializatua

Tel.: 943 71 47 29  
ESKORIATZA

**Txalaparta  
taberna**



Aranburuzabala 25  
ESKORIATZA